

প্রেস বিজ্ঞপ্তি

দেশের উত্তরাঞ্চল, মধ্যাঞ্চল ও হাওড়ভুক্ত এলাকায় কৃষকদের পুনর্বাসন বাবদ ১৩৬ কোটি ৯৯ লক্ষ ৯৯ হাজার ৫ শত ৫১ টাকার কোটি টাকার সার-বীজ ও নগদ সহায়তা প্রদান।

ঢাকা, ১৯ আশ্বিন, ১৪২৪ বঙ্গাব্দ; ০৩ অক্টোবর, ২০১৭ খ্রিঃ

বন্যায় ক্ষতিগ্রস্ত দেশের ২৪টি জেলার কৃষকদের মাঝে সরকার ১৩৬ কোটি ৯৯ লক্ষ ৯৯ হাজার ৫ শত ৫১ টাকার সার-বীজ ও নগদ সহায়তা বিতরণ করবেন বলে জানিয়েছেন কৃষিমন্ত্রী মতিয়া চৌধুরী এমপি। তিনি আজ মঙ্গলবার (০৩ অক্টোবর) কৃষি মন্ত্রণালয় কর্তৃক আয়োজিত কৃষি মন্ত্রণালয়ের সম্মেলন কক্ষে বাংলাদেশ সচিবালয়ে সংবাদ সম্মেলনে এ কথা বলেন।

ইতিমধ্যে সরকার বর্তমান অর্থ বছরে ৬৪ জেলায় ৫ লক্ষ ৪১ হাজার ২ শত ০১ জন ক্ষুদ্র ও প্রান্তিক কৃষকে ১০টি ফসলের আবাদ বৃদ্ধির জন্য বীজ, ডিএপি ও এমওপি সার সহায়তা প্রদানের লক্ষ্যে ৫৮ কোটি ৭৫ লক্ষ ৭৯ হাজার ৩ শত ৮৫ টাকার প্রণোদনা প্রদান করেছে।

তিনি বলেন কৃষি প্রণোদনা কার্যক্রমের পাশাপাশি কৃষি মন্ত্রণালয় পাহাড়ী ঢাল ও আকস্মিক বন্যায় ক্ষতিগ্রস্ত হাওড়ভুক্ত সিলেট, সুনামগঞ্জ, হবিগঞ্জ, মৌলভীবাজার, নেত্রকোনা ও কিশোরগঞ্জ এ ৬ টি জেলায় চলতি পুনর্বাসন কার্যক্রমের আওতায় বোরো/২০১৭-১৮ মৌসুমে বিনামূল্যে বোরো ধানের বীজ, ডিএপি ও এমওপি সার এবং নগদ সহায়তা বাবদ ৬ লক্ষ ক্ষুদ্র ও প্রান্তিক কৃষককে ১ শত ১৭ কোটি টাকার বীজ, ডিএপি ও এমওপি সার এবং নগদ ১ হাজার টাকা করে প্রদান করা হচ্ছে।

তিনি আরও বলেন তাছাড়া দেশের উত্তর ও মধ্যাঞ্চলে চলতি বছর বন্যায় ক্ষতিগ্রস্ত নওগাঁ, কুড়িগ্রাম, জামালপুর, দিনাজপুর, বগুড়া, টাঙ্গাইল, সিরাজগঞ্জ, রাজশাহী, রংপুর, নাটোর, নীলফামারী, গাইবান্ধা, ঠাকুরগাঁও, লালমনিরহাট, পঞ্চগড়, জয়পুরহাট, শেরপুর, ব্রাহ্মণবাড়িয়াসহ মোট ১৮ টি জেলার ক্ষুদ্র ও প্রান্তিক কৃষকদের ক্ষতি পুষিয়ে নেওয়ার লক্ষ্যে ১ লক্ষ ৭৬ হাজার ২ শত ০২ জন কৃষককে রবি/ ২০১৭-১৮ মৌসুমে ১৯ কোটি ৯৯ লক্ষ ৯৯ হাজার ৫ শত ৫১ টাকায় গম, ভুট্টা, সরিষা, চিনাবাদাম, খেসারি, বোরো ধান চাষে বিনা মূল্যে বীজ, ডিএপি ও এমওপি সার এবং শাকসজীর বীজ সহায়তা প্রদান করা হচ্ছে।

অর্থাৎ সরকার বোরো ২০১৭-১৮ এবং রবি ২০১৭-১৮ মৌসুমে ৭ লক্ষ ৭৬ হাজার ২ শত ২ জন কৃষককে পুনর্বাসন বাবদ ১৩৬ কোটি ৯৯ লক্ষ ৯৯ হাজার ৫ শত ৫১ টাকার সার-বীজ ও নগদ সহায়তা প্রদান করছে।

কৃষি মন্ত্রণালয়ের সিনিয়র সচিব মোহাম্মদ মঈনউদ্দীন আবদুল্লাহ্ সহ কৃষি মন্ত্রণালয়ের উর্ধ্বতন কর্মকর্তাবৃন্দ এবং অধীন দপ্তর/সংস্থার প্রধান সহ অন্যান্য কর্মকর্তারা উপস্থিত ছিলেন।


বিবেকানন্দ রায়

সিনিয়র তথ্য অফিসার

কৃষিমন্ত্রণালয়,

মোবাঃ ০১৭১১-৮১৫৮৮১

ফোনঃ ৯৫১৪৭৭৬

E-mail: vivekroy07@yahoo.com